

L. h. 130

A) Bon -

webst 2/14)

PK

3

Wahrhaftige neue Zeit-

tung/ vnd erschreckliche Wunderzeichen / so
sich newlichen zu Rom vnd zu Paris / in dem nechst
vergangenen 83. Jar geschehen/ welche dem Wolgebore-
nen Herrn vnd Graffen / Graffen Albrechten zu
Schwarzburg / etc. Von dem Wirdigen vnd Wolges-
lerten Herrn M. Valentino Sterck / Pfarrern zu Lau-
tenbach / zugeschrieben worden / dessen sich menniglich
zuuervndern hat / In dem sie Gottes Straff / wie-
der des Babstes Tyrannen / eigentlich sehen/
auch alle frommen Christen sich für seiner
ler vnd falschen Gottesdinst fleissig
zu hüten haben.



Erstlich Gedruckt zu Augspurg / durch
Michael Manger. Anno 1584.

Gelehrter Rath
Herrn Johann Friedrich
Herrn Johann Friedrich
Herrn Johann Friedrich



Nach dem etliche falsche Lehrer der Christlichkeit
gemeine Gottes/zu Tesselonien irre gemacht/ als das der
Jüngste tag zum teil izund für der tür were/darauff denn
auch grosse zerrüttung in allen Stenden erfolget/ in dem keiner sei-
nes Ampts mehr warten wolte / daher die Barversleut den Acker
nicht mehr barveten/die leut in ein sehr wild Leben gerieten / vnd
jederman sich auff fressen vnd sauffen begab/hat solches den heiz-
ligen Apostel Paulum gejamert/vnd derowegen ein zeit gesetzt/
nach welcher der Jüngste Tag gewislich kommen würde / auch
zum aller fleissigsten beschrieben die Tyranny des Papstes zu
Rom/die er nu eine lange zeit getrieben/vnd noch teglich vber vnd
treibet. Vnd das denn der jüngste tag kommen würde/wenn zuvor
der abfall des Papst kommen were/vnd der Mensch der Sünden/
das Kind des verderbens offenbar worden / der sich erhebt vber
alles was Gott heist / setz sich auch in den Tempel als Gott / sol-
ches alles geschicht auch vom Papst noch zu dieser letzten zeit der
Welt/da er viel fromme hertzen verwirret/mit falscher lehr/richtet
Krieg blutergiessen an / Könige vnd Fürsten hetzet er wider eins
ander/ vnd hat diesen namen mit der that/daher zu Gott mit dem
Schwert seines mundes tödten wird / vnd am Jüngsten tag wol
wird zu finden wissen. Aber Gott der H^{er} wil nicht den Tode
des Sünders/etc. Wie er sagt Ezech. 33. vnd lest ihn doch gleich
wol durch wunderzeichen zur busse locken / lesset dieselben gesche-
hen für seinen augen. Denn es gewis ist / das ein solch gros Wun-
derzeichen zu Rom newlich ereugnet hat / nemlich / im dem der
Papst alle ding in allen Regimenten endert/ dem da er die ler des
H. Euangelij / nicht aller ding auff seine menschen tand bringen
kan / so erdencket er ein neues/machet neue Calender/versetzet die
hohen Christlichen fest/vnd andere fürneme zeit des jars / damit
er eine ursach haben möge die Christen vnd Deutschen Nation/
so sonst seine Decreta nicht annemen / auch im aller ding nicht fol-
gen wollen /als verechter Gottes vnd des H. Römischen Stuels/
mit krieg vnd mord desto besser angreifen möchte. Derowegen er
die neuen Calender lassen ausgehen / auch der Weinachten fest
x. Tag ehe als wir Euangelischen in allen Bepstischen Kirchen
feyrlich zubegehen geordnet/ wie es denn auch geschehen. Ist dero-
wegen

wegen solch gros wunderzeichen am gemelten tag geschehn. Welches den Wolgeborenen Herrn / Graffen Albrechten / Herrn zu Schwarzburg/etc. zugeschrieben worden / durch den Ehrw. M. Valentinum Sterck Pfarrer zu Lautenbach / als das an demselben jetzt irem Weinachten tag / welcher ist gewesen der 1. Decem. des nechst verlauffenen 83. jars / das in der Weitberümbten Stad Rom / drey ganzer Tag vnd Nacht / Finsterlich gewesen / das die in der Stadt Rom nicht recht für sich haben sehen können. Welches auch vorzeiten in Egypten / da Gott den König Pharao / sampt allen den seinen wolt austrotten / die Kinder Israel aber aus seiner hand erlösen. Ist also damals kein mensch zu Rom gewesen / auch vnter 2. oder 3. meil dauon / das weder Sonn oder Mon am hohen Himel gesehen hette / denn da hat weder Sonn noch Mond weder Morgen noch Abendstern / sein natürlich liecht von sich gegeben.

Es ist auch nach diesen wunderzeichen / ein anders geschehen / als es melich angefangen zu regnen / vnd worauff die tropfen des regen gefallen / ist es klebrig worden als blut gewesen. Welches wunderzeichen / da sie der Vater Bapst gesehen / auch solchs für in gebracht / hat er gesagt / Er habe solche zeichen selbs gemacht / vnd von Himmel herab solche zeichen geschehen lassen / denn ob er wol ein irrdischer Mensch were so köndte er durch seine macht wol so viel zu wegen bringen / vnd Gott lies es im auch zu / auff das menig lich in für Gottes Stadhalter vnd das Oberste Haupt der Christlichen Kirchen annemen möchten. Auch seine lehr von guten wercken / anruffung der Heiligen / so er aus Väterlicher sorg / vnd ander ding die nötig zur Seligkeit / die ein Christ halten mus / geordnet / die weren warhafftig vnd Gott gefellig. Darauff die Obersten des Rats zu Rom / vnd andere gewaltige geantwort / sie glets beten solches nicht / er thete denn für iren augen ein zeichen / vnd etwa einen todten aufferweckte / denn es wol war wer / das Gott dem Fürsten Josua zugefallen die Sonn am klaren Himel / den Mon im Thal Alon hat stehen lassen / vnd ein Tag so lang als sonst zwen gewesen / damit er sich an seinen Feinden rechen möchte / so thut er doch selten nun mehr solche zeichen. Solches aber nach dem der Bapst fest daruff berubet / hat er dieses probieren wollen / hat derowegen ein solch spectackel / ja Gott noch zu einem

nem Wunderzeichen verursacht / denn er einen gar armer Mann
mit namen Hans Weisse bestellen lassen / er solte sich mit einem lan-
gen todten Kittel an thun / sich in einen Sarg legen / vnd sich stel-
len als wer er gestorben / vnd wolte sich zu der Erden bestatten las-
sen / sein Weib solte auch in der Hausthür stehen vnd weinen / vnd
vnd kleglich thun / die jenigen so die Leich besungen / das Geleut
vnd andere ding bestelten / welchs alles geschehen / geredet im auch
viel Gelt / ehr vnd fürderung / das sein Haus vnd Hoff sein lebrag
frey sein solte / es solt ihm auch an vnterhaltung darin nicht man-
geln / es solte ihm auch nichts wiederfahren / er könte das / ohn eini-
ge gefahr wol thun / vnd wo im einer solchs würd auffrücken / wol-
te er in wol mit dem bann oder sonsten straffen / dazu wenn er in die
Kirchen getragen wer worden / vnd die H. Mess / vnd andere Ce-
remonien gehalten / vnd nachmal der H. Vater Papst den Sarg
würd anrühren vnd segnen / zu im sagen / Stehe auff im namen des
Vaters Sons vnd H. Geistes / da solt er sich nur getrost auffrich-
ten. Der gute arme Man gedencft solches zuthun / sagt es zu / der
hoffnung er werde ein gute belohnung dauon bekommen / zeucht
den todten Kittel an / lest sich in ein Sarg legen / sein Weib das lest
alles bestellen / stelt in auff die Bahr / vnd lest ihn nach des Pabs-
stes willen / mit Ceremonien / Kerzen so für ihm hergetragen wer-
den / zur Erden bestettigen / in zu allererst in die Kirchen tragen /
darinne Pfaffen sein / Leuten vnd Singen / halten als bald eine
Seelmessen / vnter des / tregt man den H. Vater auch in die Kir-
chen / so solch Wunderzeichen thun wil / als der sichs nicht mer-
cken lest / als sey er ohn gefehr dazu kommen / eben auff den tag / da
er alle 4. Wochen ein Mess pflegte zu halten / stelt sich auch als
hab er eine sonderlich offenbarung vnd krafft Gottes empfangen /
lest sich zum Sarg tragen / hebt an denselben zusprechen / darob ver-
wundert sich ein jeder / lauffen zu / vnd erdrucken schier einander /
sintemal sie solches nicht gewonet / das ein solch heiliger Man
mit verstorbenen leuten solte vmbgehen / wil also diesen Man / als
ob er gestobren aufferwecken. Rufft im mit lauter stim / Todter ich
sage dir / stehe auff / im Namen des Vaters des Sons vnd des H.
Geistes / in dem er die wort dreymal nach einander widerholet / ma-
chen sie den Sarg auff / da funden sie das der Man so sich leben-
dig hinein gelegt / star todt war. Da hebt seine Fraw an zuschrey-
en

en vnd zu weinen / klagt jederman wie es sey zugegangen / ihr Man
sey also vberedt worden.

Item auff denselben 10. Decemb. wie gesagt ist noch eman-
der wunderzeichen zu Paris geschehen / in dem das Weinnacht
Fest auch nach des Babstes willen / gehalten worden / da sein
Glocken gehört worden / vnd in dem schall ist gehört / last vns
von dannen ziehen / die doch kein Mensch gezogen oder angerüret
hat / mit einem Finger oder Fuß. Welche schreckliche Newzei-
tung / vorgemeldetem Herrn zugeschrieben / vnd weiter andern Herrn
mehr sind zugeschrieben worden.

Was sollen wir aber daraus lernen / nemlich / von dem Babst
vnd seiner lehr solt jr wissen / das es jederman Gott lob / in vnsern
Landen offenbar ist / dann der 3. Apostel Paulus warhastig ge-
weissaget hat wie der Babst von wegen seiner Tyranny vnd Got-
teslesterung / verfelschung der reinen lehre Gottes vnd todtschlag /
so er beyde an der Leute Seelen vnd leibe vbet / warhastig sampt
allem seinem anhang / als den Teuffel selbs zufluchen sey / weil er als
lein solchen namen hat / die im der 3. Apostel Paulus 2. Thessa. 2.
giebet / Er wird genent der Antichrist / weil er sich wider Christum
vnsern Herrn auffleget / schilt vnd nimpt im seine ehre / gibt sie der
Jungfrawen Maria / vnd den lieben Heiligen / als dir anzuruffen.
Dagegen aber wissen alle fromme Christen / das man Gott allein
anbeten sol / wie Christus Mat 4. zum Satan sagt / du solt Gott
deinen Herrn anbeten vnd im allein dienen / welches genommen
ist aus dem 6. Cap. Deut. Darnach so wird der Babst genent ein
Sohn des verderbens / sintemal er die Kirche verheret vnd verjaget
verfolget / damit er seine gewalt erhalte / fortpflanze / vnd er alle
Welt im anhengig machet / wie jetzt im Niderland vor augen ist.
Weiter wird er widersinnisch genent / weil er alle schriften Christi
vnd seiner 3. Apostel widersinnisch nach seinem Tandt verkeret /
so doch Paulus Galat. 1. So ein Engel vom Himmel keme / vnd ein
ander Euangelium predigen würde der sol verflucht sein. Vnd in
dem er sich an Gottes stadt setzet / sich als ein Gott in dem Tempel
vberhebet / so sollen alle Christen / ihn nicht anders als einen ver-
fluchten Menschen achten / vnd sich fleissig für seiner falsche lehr
hüten / vnd für den falschen Propheten / wie Christus sagt / Matt.
7. sich wol fürsehen / ihn an seinen fruchten erkennen / ihn für ein
faulen

faulen baum vnd Anathema halten / vnd Gott teglich von herzen bitten/das er sein wort lauter rein vnd klar/bey vns vnd vnseren nachkommenen erhalten wolle/vnd des Teuffels vnd Babsts Tyranny stewart vnd wehren.

Darnach so lernen wir an diesen grossen Wunderwerken Gottes/die für dem Jüngsten tag lest hergehen/ das es den fromen ein trost/ dem bösen aber vnd Gottlosen ein ernstliche warnung sein sol / denn die frommen sollen ire Haupter zu solcher zeit auff heben/ sehr lustig vnd frölich sein/ darumb weil sich ihre Erlösung nahet/ wer wolte nicht frölich sein / so einer aus einem tieffen Gefengnis entledigt würde/darinne er von Schlangen vnd bösen giftigen Würmern/eine lange zeit geplaget gewesen / vnd solte nu zu den höchsten freuden komen/zur Hochzeit gehen/singen/springen vnd frölich sein mit allen seinen freunden/Vater vnd Mutter/Bruder/Schwester/sol all sein tag los/vnd frölich sein. Also ob wol solche schreckliche zeichen ihr viel betrüben / weil sonderlich Gottes zorn / vnd die Nacht sehr erschrecklich ist/so ist doch Christus vnser liecht vnd Heiland/ der vns Armen/so im finstern land wonen/ im schatten des Todes Gott lob auffgangen / vnd erleucht alle Menschen die an ihm glauben/ Johan. 1. den ist diss liecht auffgangen/dauon Esaias redet am 9. vnd 60. Cap. Johan. 1. vnd hin vnd wider in der 3. schrift/ auff Christi Person vnd Ampt / vnd seine wolthaten/geweiht werden. Die bösen aber die nur durch diese Wunderzeichen erger/vnd nicht gebessert werden / Als der König Pharao / der auch solche finsternis nicht zu hertzen name / vnd Gott dem H. Erren sein Volck in die Wüsten ziehen liesse / sich zu dem waren Gott Israel bekerete/darum ersuff er mit allen den seinen im Roten Meer/wie Exodi am 14. zusehen ist.


Wird sich nu aber der Bapst vnd alle ander seine Jünger nicht auff solch Wunderzeichen Gottes bekehren / auch wir solches in wind schlagen/so haben wir gewis / ewiges verderben vnd elend zugewarten/werden wir aber vns bessern/vnd zu Gott bekeren / so werden wir auch des H. Erren Christi zukunfft / können mit freuden erwarten / vnd mit freuden stehen für dem Richtstuel Ihesu Christi/vnd Selig werden. Das verley vns allen / Gott Vater Son vnd H. Geist gnediglich/Amen.

E N D E

Faint, illegible text, likely bleed-through from the reverse side of the page. The text is arranged in several lines and appears to be a list or index of some kind, but the characters are too light and blurry to transcribe accurately.







ALV





Farbkarte #13

B.I.G.

neue Zeit

3

Wunderzeichen / so
u Paris / in dem nechst
/ welche dem Wolgebora
Graffen Albrechten zu
Wirdigen vnd Wolges
terck / Pfarrern zu Lau
/ dessen sich menniglich
e Gottes Straff / wie
y / eigentlich sehen/
sten sich für seiner
esdinst fleissig
den.



igspurg / durch
anno 1584.